

**Radunanza extraordinaria dals 26 avrigl 2019 a las 20.00**  
**a Lavin i'lla pastizeria Giacometti**

1. Il president, Anton Priuli, salüda a 25 preschaints, 5 s'han s-chüsats.
2. Not Schlegel e Dumeng Caviezel vegnan elet sco **dombravuschs**.
3. Il **protocol** da la radunanza extraordinaria dal 2018 vain prelet ed aprovà da la radunanza.
4. Anton orientescha davart dal **premi da „Jagd Schweiz“** cha las societats da chatschaders da cumün fusiunà da Scuol han survgni per lur proget da custodi. Quatter da quellas societads toccan pro'l district X e be nus pro'l distict IX. Per evitar problems e dispittas in avegnir haja la suprastanza discuttà cun Andrea Carpanetti, il president dal district X. Tenor cunvegna cun el dess la survgnir la secziun Tasna 1'500 francs da la summa totala da 6'500 francs. La distincziun dal premi dess gnir pichada sü i'l tir Urezzas.
5. Las propostas da la suprastanza schlargiada a man da la delegiada a Rhäzüns:
  - Il punct 7 vain acceptà unanimamaing
  - Il punct 8 vain acceptà
  - Il punct 9 vain acceptà
  - Il punct 9.1 vain sbüttà. I nu's dessa dar ün faus segnal vers inoura pertoccond il pavlar sulvaschina. Inplü detta fingià ün concept per pavlar in cass da bsögn.
  - Il punct 9.2 vain sbüttà
  - Il punct 9.4 vain sbüttà per na privilegiar a chatschaders cun chamnna.
  - La müdada da statüts vain acceptada
  - Il candidats per las elecziuns vegnan sustgnüts eir da nossa secziun.
6. Emil Kuen declera plüsus müdadas in connex cun **zonas da quietezza**. La zona tanter Bos-cha e Valdz d'eira fin uossa be üna zona cusslgiada. Quella dess dvantar üna zona scumondada. In Craisata-Varansuns dessa dar üna zona temporara. Voul dir cha quella po gnir serrada tenor bsögn in cass da blera naiv o auters problems. Il listess vala per la regiun Sot Sassa-Magnacun e Plan da la Pausa-Foura Turnigna. El haja inolträ quistas dumondas al cumüna fusiunà da Scuol. Quel varà da trattar quist e suotametter a la votaziun. Nus pudain pero dir nos parair e quel varà üna tscherta influenza. Ils preschaints vuschen in quel sen in fuorma consultativa e sustegnan la dumonda invers il cumün.
7. Marcus Bonorand declera il **müdamaint dal contrat** tanter las societats da chatschaders sur da l'administraziun e da la gestiun dal tir Urezzas. Per evitar cha var 8 da nos commembers A e B hajan da pajar là dubel dovura üna müdada da l'artichel 3c dal contrat manzunà. Quella müdada vess per consequenza cha nossa secziun sto müdar ils agens statüts. La radunanza accepta la müdada dal contrat dal tir Urezzas. La müdada da nos statüts vain spostada sün la prossma radunanza ordinaria causa cha müdadas da statüts sun pussiblas be in quella.
8. Mario Hässig rapporta davar il success da nos proget da **salvamaint d'usöls** cun la drona e cha quel saja gnü surtut da l'uffici da chatscha per tuot il chantun cun totalmaing 20 dronas. In nos district daja 4 dronas supelmentaras. Per nossa secziun daja duos inplü. 2 per Ardez-Gaurda ed üna per Lavin cun Susch. Quai voul dir cha

pro nus daja duos teams chi lavuran parallelmaing. Mario reparta il plan da piket. 51 commembers sun sün quel. Minchün es svesa respunsabel per ün substitut in chas d'absenza. Mario orientescha prossmamaing ils paurs cun flyers.

9. Mario preschainta il **program da lavur**. Als 25 da mai di da lavur cumüna sur Boscha, als 22 da gün di da chüra ed als 20 da lügl eir.
10. Guolf Denoth tegna ün **referat** cun cifras e graficas davart da chatscha passada e la populaziun da nossa sulvaschina. I saja stat la quart meldra chatscha daspö il 1975. La chatscha da chavriöls saja pero statta mediocra. 3 lufs s'haja pudü cumprovar pro nus, üna femna (F18) e duos mas-chels (M81 ed M93). Cul uors saja quiet. Ün saja i in üna trapla fotografica i'l Parc. Lufs tscharvers sajan gnüts annunzchats pero cun gronda probabiltà nu saran ingüns pro nus.
11. Suot varia vain appellà da na trar giò placats in connex cun l'iniziativa cunter la chatscha speciala, ne dals üns ne dals auters. nus, ils adversaris da l'iniziativa vain avuonda argumaints e nu stuvain agir sco ils iniziants cun emoziuns e fausas infuormaziuns. In mardi als 30 avrigl es üna discussiun al podium sü Puntraschigna in connex cun la votaziun. Quella discussiun vain emessa eir in la televisiun (Smart Tv), internet e facebook.

Il president serra la radunanza a las 22.00

L'actuar: Armon Schlegel

Bos-cha als 27 avrigl 2018